

EDITUK IDEM

Matthew 8:19-22; 10:37-39; 16:24-27; Luke 14:33;

Ñwed Mbon Philippi 3:7, 8; Ñwed Mbon Rome 15:1-3

QYQHQ UKPEP-ÑKPQ 469

Eke Ikpọ Owo

IKQ IBUOT: “Edi mbatke uwem mi ke ñkpọ, man ñkeme ndifehe mbuba mi mma, nnyuñ nnam utom oro Qbọñ Jesus ọnọde mi, ete ñkwọrọ gospel mfọn Abasi” (Utom Mme Apostle 20:24).

I Ntuk-Idem Nte Ekpepde

- 1 Ima emi inyenede inọ Abasi enyene ndikpon ñkan eke mbon ufọk nnyin, Matthew 8:21, 22; Matthew 10:37-39
- 2 Nnyin inyene ndima Abasi ñkan idem nnyin, Matthew 16:24-27
- 3 Christ enyene ndinyene itie ke esit nnyin ñkan mme ñkpọ uwem emi, Matthew 19:21; Luke 14:33

II Nte Etukde Idem

- 1 Jesus edi uwut-ñkpọ emi okponde akan ke ntuk-idem, Matthew 8:19, 20; 2 Ñwed Corinth 8:9; Ñwed Mbon Philippi 2:5-8; Ñwed Mbon Rome 15:1-3
- 2 Abraham ama ọwọrọ ọkpọñ ubon esie, ufọk, obio emana, ndien okoduñ ke mme ufọk ọfọñ; ama esin utip, ọtọñọ ntak awa eyen esie ọn ọ Abasi ke ñkop-uyo, Mme Hebrew 11:8-19; Genesis 12:1-8; 14:21-24; 22:1-19
- 3 Moses ama onyime esuene ye Christ nte akamba inyene akan mme ñkpọ uto isọñ Egypt, Mme Hebrew 11:24-27
- 4 Ebekpa ama esin kpukpru se enye ekenyenede ke usin-etibe, Luke 21:4
- 5 Mme Isuñ-utom Christ ema esin kpukpru se mmo ekenyenede etiene Jesus, Matthew 4:18-22; 9:9; 19:27-30
- 6 Paul ama abat kpukpru ke ntak-urua ke ntak Christ, Ñwed Mbon Philippi 3:8.

SE EKPEPDE EBAÑA

Edituk Idem

“Ekem Jesus ọdọhọ mbet Esie ete, Edieke owo ekededi oyomde nditiene Mi, yak enye otuk idem esie, onyuñ emen krọs esie, etiene Mi” (Matthew 16:24). Edituk idem edi ata akpan ñkpọ emi odude ke ufọt Eti-mbuk Jesus Christ. Ke unyime miduhe owo ndisin ofuri ñkpọ, owo ndomo kiet ikemeke ndidi owo mbet Jesus. “Kpa ntre ke owo mbufo ekededi, eke misanake kpukpru se enye enyenede iyak, ikemeke ndidi mbet Mi” (Luke 14:33). Ke ntre, ntuk-idem edi se enamde-nam, idighe ke otu mme ọkwọrọ-ikọ ye mme asaña-utom Abasi ikpọñ, edi, edi ye kpukpru owo emi enyenede udọñ ndinam obio-Abasi ebiet iduñ esie. Ntuk-idem okpon akan ndikpọñ idiok-ñkpọ ye mme inem emi edude ke esit, onyuñ okpon akan unyime esit ndinam mme uwa nno Qbọñ ye utom Esie.

Mme Ikọ Nduri-Utoñ

Jesus ọnọ ntọt ete, “Edi ekpeme idem mbufo, mbak uyuhọ udia ye mmin ye ekikere uwem emi edinam esit mbufo odobi, ndien usen oro edibuat mbufo nte ekpọ.” Ekabare uyuhọ udia nte “Ido emi mifonke, ukem-ukem emi ye mmin.” Kpa nte isek edide ñkpọ-ndik ọnọ esit obukidem oto ke edidia udia ñkaha, kpa ntre ñko ke ndik odu ọnọ owo Abasi emi ayakde idem abuaha ke ido emi mifonke. Kiet ke otu ñkpọ-ndik emi okponde emi owo Abasi enyenede ndisobo edi ndiyak idem ñkaha nsin ke “mme ñkpọ uwem emi.” Edieke owo ayakde ini, okuk, ye udọñ, ye mme nti ñkpọ uwem emi ọfiọrọ ofuk esit ndien esit emenere abaña mme ñkpọ emi, enye enyene ndikpọñ krọs ñkañ-ñkañ. “Ekuma ererimbot, ye se idude ke ererimbot. Edieke owo ekededi amade ererimbot, ima Ete iduhe enye ke esit.” (1 John 2:15).

Edieke Abasi ọdiọnde uwem nnyin ye inyene, yak nnyin ikpeme, midighe ntre, nnyin iyekabare itie nte Jeshurun emi akakabarede esehe, onyuñ atiga (Deuteronomy 32:15). Mfin ke America, nnyin imokut mme

owo ye mme nkpo mbre mmq, ke ebiat Usen Qbon ke ndiwat ubom ke mmqn, ke efehe eka mme ikpo obot ye mme mben esuk, eda Usen Qbon ke ndinem obukidem mmq esit. Nte emi edi ndituk idem?

Idighe kpukpru nkpo emi enemde ndinam edi se ifonde. Ke mme ikpo efen edieke nkpo ekededi adade nnyin okpon ini akam, Iko Abasi, mme ndinam nkpo nno Abasi, ifonke ye nnyin. Edieke nnyin iyomde nditiene Christ, ana nte nnyin iwuk ima nnyin “ke nkpo enyqn, ekusin ke nkpo isqn” (Nwed Mbon Colossae 3:2).

Oruk Esit Christ

“Yak mbufo enyene oruk esit emi okodude ke Christ Jesus. Okposuk edi nte Enye ekedide mbiet Abasi, Enye ikabatke ndida nka-nka ye Abasi ke nkpo eke okpomumde akama: edi Enye akañwaña Idem Esie, ada mbiet ofin, owut idem nte owo; ndien sia Enye qworode edi ke ido owo, Enye qosuore idem, akabare osuk ibuot tutu qosuq ke mkpa, kpa mkpa cross” (Nwed Mbon Philippi 2:5-8). Enye ama enyene odudu ndida ubqn nte edidem, edi Enye akabat Idem Esie nte ofin; Enye akanam kpukpru nkpo, edi Enye ikanamke ebiet idun ino Idem Esie. Enye ama enyene ukeme ndikot udim legion angel emi ewakde ekan duopeba, edi Enye ikanyañake idem. “Ebua-ikot enyene ndudu, inuen enyqn enyqn enyene mme efok: edi Eyen Owo inyeneke qto eke odoride ibuot Esie” (Luke 9:58). Nso oruk uwut-nkpo ntuk-idem ke Andinyaña nnyin onim!

Jesus ke Idemesie, “emi okobiomde kros, onyqn abatde but ke ekpri nkpo kabaña idaresit eke anade Enye ke iso” (Mme Hebrew 12:2). Enye emi edide “Anditqn mbuqtidem nnyin ye andinam enye qfon ama” ama okop inemesit ke ndinam uduak Ete Esie ye ndinyun nnam utom emi Abasi okqode Enye nsim utit. Mme mmq oro ekedide mme anditiene Enye emi ema ekenyene nkukut nsinsi udori, ema enyqn enyene idara ndisuk ibuot nno uduak Esie. Eyenqwn emi abiarade oto ke uduak idem esie qosq ndikpa mba ke kpukpru nkpo, edi enye emi anamde ediwak uwa ke ntak Eti-mbuk enyene idara emi owo mikemeke ndida ndomo ye ediwak inyene ererimbot. Jesus eketiñ ete, “koro owo enyene se enyenyene, uwem esie isineke enye ke ubok” (Luke 12:15). Uwem owo enyene akamba idaha etiene nte owo asañade ke nkopuyo Andibot enye.

Mme Isun-utom Christ

Ikedighe udqn ndinyene utip nkpo ererimbot emi akanam Peter, Andrew, James ye John ekpon ubok-utom emi mmq ekenyenede tqnq ke emana, eyak mme ubom ye mme nkpo uko iyak mmq, esin ufok ye mme ufan mmq enyqn eyere ikot, “Etiene Mi, ndien nyenam mbufo edi mme oko-owo” (Matthew 4:19). Jesus ikokotke mme mbet Esie ye enwqnq ndinq mmq moto iba ke ufok ke ufok, mme mmq ndinam utom ke ekpri ini ndien ebq akamba nkpo mfqn, utu ke oro, Enye okokot mmq ndituk idem onyqn onq mmq kros.

Abraham

Ikot Abasi emi okosimde Abraham akasaña ye ntuk-idem ye uwa. Ekedi ikot emi ekeyomde enye okpon obio emana esie ye oruk esie ke edem onyqn qworq aka ke esen obio emi okoyomde usuñ. Mme ubom enyqn emi esopde eti ye mme udia ke esit ndidia ikoduhe; ndinam isan nka ebiet ama qosqn eti eti, mme usuñ ekeyohq ye mme nkpo-ndik. Obio Ur ke Chaldee emi Abraham okodude ama qfon ye enye, edi enye ekenyene ndiyere ikot Abasi onyqn oduñ ke mme ufok-qfon ye ikot esie koro “Enye odoride enyin ke obio eke enyenede nsqnq nda, eke Andibop ye Andinam Enye edi Abasi” (Mme Hebrew 11:10).

Moses

Moses okqbq ukpep-nkpo ke okure edidem Pharaoh, edi “Ke ini enye ama okokpon, esin ndikere eyen adiaha Pharaoh; sia enye emekde ndibiom ukut ye ikot Abasi, akan ndidia inemesit idiok-nkpo ke ekpri ini” (Mme Hebrew 11:24, 25). Ntuk-idem esie emi enye ekemekde ama ada enye okpon inemesit uwem ke ufok edidem ke isua anañ akabare oyo ke akpa-utatan, koro “Enye qosqode ada nte nkpo eke okutde Enye emi enyin owo mikwe.”

Paul

Paul, isun-utom Christ ama enyene kpukpru nkpo ke uwem. Enye ama ofiok nwed eti eti onyqn enyene idaha, enyqn efiok enye nte ada ibuot ke otu mme owo. Ke unana idorenyin unwana emi otode Heaven ama ayama ofuk enye, ndien enye ama okop uyo owo Nazareth emi ekekobode. Ema ekpuhore uwem esie usop usop esin ke otu mme andituk nnyun nwa idem. Enye ama etiñ ete: “Edi mme nkpo eke ekpedide udori enq mi, ke nkabat mmq nte ntak-urua kabaña Christ. Ke akpanikq mbat kpukpru nkpo ke ntak-arua, man mbq akan ifiok Christ Jesus Qbon mi: emi nkayakde kpukpru nkpo atak kabaña Enye, mmonyun nsin mmq ke mbio, man mbq Christ nda nnyene” (Nwed Mbon Philippi 3:7, 8).

Paul ama enyene se ebinede; enye ama owuk ekikere ke utip emi enye ekefehede ebine. Baba nkpo ererimbot emi ndomo kiet ikokponke ikan ndida ndep enye; ndien baba mfina ndomo kiet ikosonke ikan ndiyọ. Enye ama adara ke mme ukut onyũ qfiok idaha ndutuhọ esie se qwọrọde koro emi ekenyenede ebuana ye kros Christ. Enye ama onim ete iyenyene anyanya onyũ aka iso ndinuk mbio efen ete “Mbufo ekabare ekpebe mi, kpa nte ami nkekpebede Christ” (1 Nwed Corinth 11:1).

Nkukut Fo

Nte afo emenyene nkukut ndituk idem fo nnyũ nda Obio Abasi nnyene? Midighe ntre, omonyime ndidu mi nnyũ nnyene mme inemesit uwem emi ke esisit ini? Anyanya ke ebet mme mmọ oro edimende kros mmọ. Nte afo eyemen?

MME MBUME

- 1 Nso idi kros?
- 2 Nso idi ntuk-idem?
- 3 Ke nso utọ usuũ ke Abraham okotuk idem-esie?
- 4 Nso ke Moses ekesin mman edi anditiene Abasi?
- 5 Nso ke Ikọ Abasi etiũ ọnọ nnyin abañ “Esit emi odude ke Christ”?
- 6 Nso idi mme ndusuk nkpo emi mme isuũ-utom ekeyakde man etiene Christ?
- 7 Nso ukut ke Paul okokut ke ntak Christ?
- 8 Nso ikọ nduri uton ke enọ nnyin ke abañ ndiyak idem nnọ usuũ idem nnyin?
- 9 Nso idi mme utip emi enimde enọ mme mmọ emi ediyakde kpukpru nkpo enyũ etiene Jesus?
10. Nso ke afo ekeme ndinam man edi eti owo ekon Christ?